

Sarajevo, **14-01-2020**
Broj: **02-03-2102**

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku, Izvještaj br. 03-06-1737 od 13.01.2020. godine, Generalna direktorica donosi:

ODLUKU
o izboru najpovoljnijeg ponuđača za nabavku rezervnih dijelova sa ugradnjom
za HOT CELL u sklopu PET/CT dijagnostike

I

Prihvata se prijedlog Komisije za nabavku rezervnih dijelova sa ugradnjom u svrhu servisiranja i funkcionalnog osposobljavanja i generalnog remonta uređaja HOT CELL u sklopu PET/CT dijagnostike za potrebe Klinike za nuklearnu medicinu i endokrinologiju KCUS-a, po Izvještaju br. 03-06-1737 od 13.01.2020. godine, nakon provedenog postupka javne nabavke putem konkurentskog zahtjeva i ugovor dodjeljuje najpovoljnijem ponuđaču:

MEDICAL d.o.o. Mostar

Nabavka rezervnih dijelova sa ugradnjom za HOT CELL u sklopu PET/CT uređaja DISCOVERY proizvođača GENERAL ELECTRIC za potrebe Klinike za nuklearnu medicinu i endokrinologiju (specifikacija-ANEKS 2)

Cijena: 36.147,00 KM + PDV 6.144,99 KM = 42.291,99 KM sa PDV-om

Rok isporuke : 30 dana od dana potpisivanja ugovora i prijema narudžbenice
Plaćanje : u roku 60 dana od dana isporuke, ugradnje i ispostavljanja fakture

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, ukoliko istu nisu predali uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

O B R A Z L O Ž E N J E

U skladu sa Odlukom Generalne direktorice KCUS-a broj: 02-03-66899 od 25.12.2019. godine, pokrenut je postupak javne nabavke „rezervnih dijelova sa ugradnjom u svrhu servisiranja i funkcionalnog osposobljavanja i generalnog remonta uređaja HOT CELL u sklopu PET/CT dijagnostike za potrebe Klinike za nuklearnu medicinu i endokrinologiju KCUS-a“ putem konkurentskog zahtjeva. Nabavka je planirana Planom javnih nabavki za 2019. god. pod klasifikacijom robe redni br 18. (Odluka o usvajanju Plana javnih nabavki Kliničkog centra Univerziteta u Sarajevu za 2019 godinu, broj: 360/19 protokol br. 02-01-18632/19). Klinički centar Univerziteta u Sarajevu je na portalu E-nabavke dana 26.12.2019. godine objavio Obavještenje o nabavci broj:893-7-1-854-3-528/19 zajedno sa Tenderskom dokumentacijom. Tendersku dokumentaciju je preuzelo 5 (pet) potencijalnih ponuđača, a do krajnjeg roka određenog za prijem ponuda, 08.01.2020. godine, dostavljena je 1 (jedna) ponuda ponuđača MEDICAL d.o.o.

Komisija imenovana Odlukom broj: 02-03-68247/19 je izvršila uvid i provjeru svakog dostavljenog dokumenta i ustanovila da dostavljena ponuda sadrži sve tražene elemente i ispunjava formalno pravne i tehničke zahtjeve postavljene tenderskom dokumentacijom, te je ponuda prihvatljiva i može biti predmet vrednovanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, **postupak se okončava u skladu sa članom 69. ZJN.**

Obzirom da je zadovoljena transparentnost i da je cijena prihvatljive, jedine ponude u okviru osiguranih sredstava za nabavku, Komisija je Izvještajem br. 03-06-1737 od 13.01.2020. godine dala prijedlog, da se donese odluka o izboru najpovoljnijeg ponuđača i ugovor dodjeli ponuđaču MEDICAL d.o.o Mostar.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA

Prof. dr. Sebilja Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču
- Tehnički sektor
- a/a KCUS